

**Uunga siunnersuut: KNI A/S pillugu Inatsisartut peqqussutaata  
allanngortinneqarneranik Inatsisartut inatsisaat nr. xx, xx 2016-imeersoq**

*Inuussutissarsiornermut, Suliffeqarnermut Nunanullu Allanut Naalakkersuisumit  
saqqummiunneqartoq*

**pillugu**

**Aningaasaqarnermut Akileraartarnermullu Ataatsimiititaliap**

**siunnersuutip aappassaaneerreqarneranut**

**ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Jens Immanuelson, Siumut, siulittaasoq

Inatsisartunut ilaasortaq Aqqaluaq B. Egede, Inuit Ataqtigiit, siulittaasup tullia

Inatsisartunut ilaasortaq Suka K. Frederiksen, Siumut

Inatsisartunut ilaasortaq Steen Lyngø, Atassut

Inatsisartunut ilaasortaq Tillie Martinussen, Demokraatit

Inatsisartunut ilaasortaq Peter Olsen, Inuit Ataqtigiit

Inatsisartunut ilaasortaq Sara Olsvig, Inuit Ataqtigiit

UKA 2016-imi 23. september siullermeerinninnerup kingorna ataatsimiititaliap siunnersuut misissorpaa.

**1. Siunnersuutip imarisaa siunertaalu**

Nunaqarfinni ingerlatanik ataatsimoortitsinissamut suliniut matuneqareersoq pillugu inatsit kiisalu usinik ilaasunillu angallassineq pillugu kiffartuussinissamik isumaqatigiissuteqarnissamut aammalu aalisakkanut qalerualinnullu tunitsivinnik tunisassiorfinnillu pilersitsinissamut attassinissamullu KNI A/S-ip pisussaaffia siunnersuutikkut atorunnaarsinneqarput.

Siunnersuummi aamma erseqqissarneqarpoq Naalakkersuisut KNI A/S suliaassanik allanik nalinginnaasumik pingaaruteqartunik, KNI-ip suliaanut pingaarnernut niuernikkut pissusissamisoortumik attuumassuteqartunik suliaqarnissaq pillugu kiffartuunneqarnissamut isumaqatigiissuteqarnissamut pisussaaffilersinnaagaat.

Kiisalu nukissiuuteqarnermut immikkoortortap avissaartinneqarnissaata aammalu nukissiuuteqarnermut immikkoortortap ingerlataanik avitsinikkut tunniussinikkullu ingerlatseqatigiiffimik nutaamik pilersitsinissap akuerineqarnissaanut Naalakkersuisut siunnersuutikkut piginnaatinneqarput.

## **2. Siunnersuutip Inatsisartunit siullermeerneqarnera**

Siullermeerinninnermi siunnersuut tapersorsorneqarlunilu akerlerineqarpoq. Siunnersuutip ilaa nunaqarfinni ingerlatanik ataatsimoortitsinissamut suliniut matuneqareersoq pillugu inatsisip atorunnaarsinneqarneranut tunngasoq kiisalu usinik ilaasunillu angallassineq pillugu kiffartuussinissamik isumaqatigiissuteqarnissamut aammalu aalisakkanut qalerualinnullu tunitsivinnik tunisassiorfinnillu pilersitsinissamut attassinissamullu KNI A/S-ip pisussaaffiata atorunnaarsinneqarneranut tunngasoq tapersorsorluarneqarput. Siunnersuutip ilaa nukissiuuteqarnermut immikkoortortap KNI A/S-imit avissaartinneqarsinnaaneranut tunngasoq aamma taperserneqarpoq, tamatumani nukissiuuteqarnermi immikkoortortap avissaartinneratigut tapiiffigeqatigiissutaasinnaasut ersarissisinneqarnissaannik kiisalu niuernikkut suliassa qarfiit assigiinngitsut qitiutillugit aqutsivigineqarsinnaalernissaannik isumaqarnek aallaavigineqarluni. Akerlianik oqaatigineqarpoq avissaartitsineq allaffissornermut, tassungalu ilanngullugu siulersuisunut qullersanullu il.il. aningaasartuutit amerlinerannik kinguneqarsinnaasoq kiisalu immikkut naatsorsuuteqarnerup tapiiffigeqatigiissutaasimasinnartut pisariaqartumik takussutissereerai.

## **3. Tusarniaanermut akissutit**

Siunnersuut piffissami 2016-imi juunip 6-ianit juulip 4-nut tusarniaaffigineqartunut nassiunneqarpoq. Siunnersuut taamatuttaaq piffissami tassani Namminersorlutik Oqartussat tusarniaanermut nittartagaaniitinneqarpoq.

Makkunanit tusarniaanermut akissutit tiguneqartut Naalakkersuisut paasissutissiipput: Kalaallit Nunaanni Sulisitsisut, Naalakkersuisut Siulittaasuata Naalakkersuisoqarfia, IMAK, Ineqarnermut, Sanaartornermut Attaveqatigiinnermullu Naalakkersuisoqarfik, Nunanut Allanut Pisortaqarfik, Qeqqata Kommunia, Aningaasaqarnermut Naalakkersuisoqarfik, KANU-KOKA, Aatsitassanut Ikummatissanullu Naalakkersuisoqarfik, Kommuneqarfik Sermersooq aamma KNI.

Tusarniaanermut akissutit tiguneqartut siunnersuummut nassuiaatini Naalakkersuisunit nassuiaatigineqarlutillu oqaaseqarfigineqarput.

## **4. Ataatsimiititaliap siunnersuummik suliarinninnera**

Nunaqarfinni ingerlatanik ataatsimoortitsinissamut suliniut matuneqareersoq pillugu inatsisip kiisalu usinik ilaasunillu angallassineq pillugu kiffartuussinissamik isumaqatigiissuteqarnissamut aammalu aalisakkanut qalerualinnullu tunitsivinnik tunisassiorfinnillu pilersitsinissamut attassinissamullu KNI A/S-ip pisussaaffiata siunnersuutikkut atorunnaarsinneqarnerat pitsaasuusoq tusarniarneqartut assigalugit ataatsimiititaliaq isumaqarpoq. Taamaallinnilu inatsisitigut tunngavik suliffeqarfissuup KNI-p maanna ingerlataanut naleqqussarneqassaaq. Taamaattumik siunnersuut malillugu suliat pingaernerit suli tassaassapput nioqqutissanut immikkoortortami pisiniarfinni quersuarnilu tuniniaaneq aammalu nukissiornermut immik-

koortortami uuliamik nioqquteqarneq. Ataatsimiititaliaq tamatumunnga allanik oqaaseqaatis-saqanngilaq.

Siunnersuummi aamma erseqqissarneqarpoq suliassanik allanik nalinginnaasumik pingaaruteqartunik, KNI-p suliaanut pingaarnernut niuernikkut pissusissamisoorutumik attuumassuteqartunik suliaqarnissaq pillugu kiffartuussinissamik isumaqatigiissuteqarnissamut Naalakkersuisut KNI A/S pisussaaffilersinnaagaat. Aalajangersakkami aamma assersuutigalugu aningaasanik pilersuineq, umiarsualivimmi oqartussaaneq, allakkerisarneq, qulimiguulinnut mittarfimmik ingerlatsineq il.il. pillugit inuiaqatigiinni suliassat pingaaruteqartut isumagineqarnissaat qulakkeerniarlugu pisariaqarsimappat, allanut Namminersorlutik Oqartussanit allaanerusunut atugassarititaasut niuernermik tunngaveqartut tunngavigalugit isumaqatigiissuteqarnissamut pisussaaffiliineq pineqartunut ilaavoq. Aalajangersakkakut aalajangersagaq atuuttoq annertusineqartoq aammalu KNI-p ingerlatseqatigiiffii tunngavissat suliffeqarfinnut niuernermik tunngaveqartunut atuuttut tunngavigalugit ingerlatiinnassasut ataatsimiititaliamit maluginiarneqarpoq. Tamanna pillugu nassuiaatini Naalakkersuisut allapput:

*”KNI-ip maannamut pisartutut, KNI A/S inatsisit malillugit tunngaviusut niuernermik tunngaveqartumik suliaqarnissamut atuuttut malillugit suliffeqarfimmik ingerlatsinissamik pisussaaffeqartoq innersuussutigalugu, kommunip suliassaannik suliaqarnermik pisussaaffeqarnissaq itigartissinnaavaa itigartittussaallugulu.”*

Ingerlatseqatigiiffiit suliassat inuiaqatigiinnut pingaarutilit pillugit kiffartuussinissamik isumaqatigiissuteqarfigineqartut suliassanik illersorneqarsinnaasumik ilumut isumaginnissinnaanissaat ataatsimiititaliamut aalajangiisuusumik pingaaruteqarpoq. Ataatsimiititaliaq tamatumunnga allanik oqaaseqaatissaqanngilaq.

Siunnersuutip immikkoortua pingaarutilik alla tassaavoq nukissiuuteqarnermut immikkoortortap KNI A/S-imit avissaartinneqarnissaanik periarfissaq. Avissaartitsisinnaaneq avitsinikkut pissaaq, taamaaliornikkullu ingerlatseqatigiiffimmik nutaamik pilersitsisoqassalluni. Taamaalilluni Naalakkersuisut ingerlatseqatigiiffimmut nutaamut kiffartuussinissamik isumaqatigiissuteqarsinnaanerat aqutissiuunneqarsinnaavoq. Taamaaliornikkullu nukissiuuteqarnermut immikkoortortap pioreersup, maanna ingerlatseqatigiiffittut iluseqarluni, ikummatissanik imerpalasunik pilersuisussaataitanermik isumaginninneq ingerlatiinnassavaa. Siunnersuutip ilaanut tassunga tunngavilersuutitut Naalakkersuisut siunnersuummut nassuiaatini allapput:

*”Kisianni nukissiuutininik nioqquteqarnermut immikkoortortap ikummatissamik imerpalasumik tuniniaanermik suliaqarnerata avissaartinneqarnera aamma ingerlatat aggulunneqartut aallarniutissatut akiliutigalugit nutaamik aktiaatiliuteqatigiiffiliorneq pillugit aalajangernissaq annertuujuvoq, taamaattumik agguluinnissaq naleq-quttoq aningaasaqarnikkut misissueqqissaarnerup takutippagu, Naalakkersuisut tamatumunnga Inatsisartunit tapersiinnissap qulakkeernissaa kissaatigisimavaat.”*

Taamaalillunilu aalajangersakkanut ataasiakkaanut nassuiaatini ima allassimavoq:

*”Nukissiuutinik nioqquteqarnermut immikkoortortap aggulunneqarnerani aallarniutissatullu akiliutigineqarluni aktiaatileqatigiiffimmik nutaamik pilersitsinermi, ingerlatseqatigiiffik nutaaq taanna nukissiuutinut tunngasumik immikkoortortamut tunngatillugu isumaqatigiissutinut tunngasuni tamaginni nalinginnaasumik pisussaa-suulissaaq, tassani ilaalluni ikummatissamik imerpalasumik pilersuisussaataaneq. Peqatigisaanik KNI A/S Kalaallit Nunaanni ikummatissamik imerpalasumik tunini-aasarneq pillugu kiffartuunneqarnissamut isumaqatigiissut malillugu, kiffartuussi-nissamut isumaqatigiissummi pisussaafeerutsinneqassaaq.”*

Taamaattumillu ataatsimiititaliamit naatsorsuutigineqarpoq ingerlatseqatigiiffik nutaaq, nukis-siuuteqarnermut immikkoortortap maanna ingerlataanik ingerlatsitseqqittussaq, atugassariti-taareersut assinginik atugassaqartinneqassasoq. Siuliani taaneqareersutut ingerlatseqatigiiffiit suliassat inuiaqatigiinnut pingaarutillit pillugit kiffartuussinissamik isumaqatigiissuteqarfi-gineqartut suliassanik illersorneqarsinnaasumik ilumut isumaginnissinnaanissaat ataatsimii-titaliamut aalajangiisuusumik pingaaruteqarpoq. Tamanna tunngavigalugu ingerlatseqatigiif-fimmum Namminersorlutik Oqartussanit pigineqartumut nutaamut kiffartuussinissamik isu-maqatigiissuteqarnissaq akimmisaarfissaqanngitsoq ataatsimiititaliaq isumaqarpoq, tassa Namminersorlutik Oqartussat suliassanik isumaginninnermi piumasaqaataat ajorseriaateqar-tinneqanngippata.

KNI-p avinneqarsinnaanera inatsimmi peqqussutigineqartut aammalu avitsinissaq pillugu ileqqoreqqusani peqqussutaasimasinnartut naapertorlugit ingerlanneqassasoq ataatsimiititalia-mit soorunami naatsorsuutigineqarpoq. Ataatsimiititaliaq paasinninnera malillugu avitsi-nissamut pilersaarut suli sularineqanngilaq. Taamaattumillu KNI-p siunissami avinneqar-sinnaanerani iluaqutissat ajoqutaasinnaasullu aammalu tamatuma aningaasaqarnikkut allaf-fissornikkullu kingunerisinnaasaasa suusinnaaneri ataatsimiititaliamit maannangaaq isummer-figineqassanngillat. Taamaattumillu tamanna pillugu Naalakkersuisut ima oqarnerat ataatsi-miititaliamit maluginiarneqarpoq:

*”Ingerlatseqatigiiffinnut inatsisit malillugit avitsineq piviusunnagortinneqarnissaanut, siulersuisut naatsorsuutinik malinnaatinneqartunik suliaqarnerisigut aamma avitsi-nissamut pilersaarummik missingersuutitaqartumik aamma kukkunersiuisumit nalu-naarutitaqartumik suliaqarnissaat pisariaqarpoq. Taamaattumik suliaqarneq KNI-imi immikkoortortat ingerlatallu akornanni naatsorsuutitsigut avissaarsimatitsilluni ingerlanneqareersoq, siulersuisut KNI-p suliffissuani aaqqissuussaannikkut allan-gortitsisoqarnissaanut ataatsimeersuarnermi akuerineqartussamik aalajangiinissa-mut tunngavissanik suliaqarnissaannut aallaaviusussaavoq.”*

Suliami tassani Inatsisartut Naalakkersuisullu akornanni oqartussaaffiit agguataarneqarnerat pillugu Naalakkersuisut oqaaseqaataat ataatsimiititaliamit innersuussutigineqassaaq:

*”Naalakkersuisut pisinnaatitaanertik ataatsimeersuarnermi ingerlatseqatigiiffinnut inatsimmi aalajangersakkat naapertorlugit malittarisassanik allannguisinnaaneq,*

*ingerlatseqatigiiffimmi aningaasanik nammineq pigisanik qaffaasinnaaneq imaluunniit appaasinnaaneq ingerlatseqatigiiffissuarmi KNI-mi atorsinnaavaat. Taamaasi-llutik Naalakkersuisut inatsisit atuuttut naapertorlugit pisinnaatitaaffeqarput KNI-mi ingerlatseqatigiiffiit aningaasaqarnerannik naleqqussaasinnaanermut tunisinikkut, kattussinikkut, agguinikkut, pigisanik nalilinnik ilassusiinikkut aningaasaatinik appaanikkut il.il.”*

Siunnersuutip ilaanut, nukissiuuteqarnermut immikkoortortap avissaartinneqarluni ingerlataasa ingerlatseqatigiiffimmut nutaamut tunniunneqarnissaasa akuerinissaanut Naalakkersuisunut piginnaatitsissummut kiisalu allaffissornikkut aningaasaqarnikkullu kingunerisassat nassuiaatigineqarnerannut tunngavilersuutit tusarniaanermut akissutini assigiinngitsumik isummer-sorfigineqartut ataatsimiititaliamit maluginiarneqarpoq.

KNI-p oqaatigaa:

*”inatsisissatut siunnersuummut nassuiaatini paasissutissiissutigineqartoq, nassuiaatini nalinginnaasuni immikkoortut 3,4 & 6 naapertorlugit avitsineq aningaasaqar-nikkut sunniuteqassanngitsaq. Tamanna KNI-p isumaa naapertorlugu kukkuneru-voq. Inatsisissatut siunnersuut aningaasaqarnikkut sunniuteqartussaavoq imatut ilusilinnik:*

1. *Avitsinermut atatillugu ataasiaannartumik aningaasartuutit.*
2. *Ingerlatseqatigiiffissuup aqqqissugaanerani ataatsimoortumi allaffissornikkut sunnee-qatigiissitsinerup annaaneqarnerani aningaasartuutaanerusussat ataavartussat.*
3. *Ingerlaavartumik aningaasartuutaanerulertussat aningaasanik tigeriaannarnik attartortarnerni ataatsimut.”*

Ataatsimiititaliamit oqaatigineqassaaq siunnersuummi pingaarnertut pineqartoq tassaannngim-mat avitsineq piviusunngortinneqassappat tamatuma kingunerisinnaasai. Taakku ataatsimii-titaliap isumaa malillugu avitsinissamat pilersaarummi naamassillugu suliarineqartumi, avitsinissap piviusunngortinneqarnissaanut aalajangiinissamat tunngaviusussami, aatsaat takuneqarsinnaassapput. Avitsinissamat pilersaarummi avitsinerup aningaasatigut kingune-risassai aatsaat takuneqarsinnaassapput. Taamattumillu paasissutissat taakku ugartornissaannut suli siusippallaartoq ataatsimiititaliaq isumaqarpoq. Ataatsimiititaliap isumaa malillugu avit-sinissaq pillugu misissueqqissaarnerup aallartinneqarneranut ingerlanneqarnerannullu aningaasartuutissat tassaassapput siunnersuutip kingunerisassavii.

Aningaasaqarnermut Naalakkersuisoqarfik tusarniaanermut akissummi allappoq:

*”Aningaasaqarnermut Naalakkersuisoqarfik aamma allappoq siunnersuutip anin-gaasaqarnikkut sunniutissaasa nassuiarneqarnerat tamakkiisumik nassuiaaviun-ngitsut, tassami ingerlatsinerup aallunneqarnerani, angisuunik ingerlatsinerup ilua-qutissartaannik atorluaanermi aammalu ingerlatseqatigiiffiup maannakkut atugassa-*

*rititaasut allannguuteqartinnagit aningaasalersorneqarnerata ingerlaannarnerani iluaqutissartaasut isummerfigineqarsimannngimmata..”*

Aningaasaqarnermut Naalakkersuisoqarfik tusarniaanermut akissummi nangilluni ima allappoq:

*”Ingerlatsinerup aallunneqarnissaanik aamma angisuunik ingerlatsinermi iluaqutissartaasunik periarfissaarutsitsisoqassappat tamanna qanoq akeqassanersoq, akimut ersittumik ingerlatsineq pillugu misissuinermi allassimannngilaq, kisianni Aningaasaqarnermut Naalakkersuisoqarfik naliliivoq aningaasat annikinngitsut pineqartut ilimanartoq, aammalu aningaasartuutissat missiliorneqassasut kaammattuilluni.”*

Annaasaqaataasinnaasutut taaneqartut pillugit Aningaasaqarnermut Naalakkersuisoqarfiup oqaatigisaanit allaanerusumik naliliinissamut ataatsimiititaliaq tunngavissaqanngilaq. Ataatsimiititaliaq naliliinera malillugu tamanna aamma pisariaqanngilaq, tassa avitsinissamut pilersaarutikkut apeqqut taanna akineqarsinnaasoq naatsorsuutigineqartariaqarmat. Aningaasaqarnermut Naalakkersuisoqarfiup tusarniaanermut akissutaanut akissutip ilaatut Naalakkersuisut allapput:

*”Aningaasaqarnermut Naalakkersuisoqarfiup oqaatigaa angisuunik ingerlatsinermi iluaqutissartaasut annaaneqassappata tamanna qanoq akeqartutut naatsorsuutigineqarsinnaanersoq akimut ersittumik ingerlatsineq pillugu misissueqqissaarnermi allassimannngitsoq aammalu aningaasartat ikinngitsut pineqartut ilimanartoq Aningaasaqarnermut Naalakkersuisoqarfiup naliliinera paasissutissanik sunilluunniit tunngavilersorneqanngilaq. Agguluinissamut siunertaasut pingaarnerit ilaat tassaavoq, maannakkut Nukissiuutinik niueruteqarnermi immikkoortortami ingerlatsinerup aqutsinerullu tamakkiisumik aallunneqarnissaannut aqqissuussaannikkut killiliussasanik pilersitsinissaq.”*

Aningaasaqarnermut Naalakkersuisoqarfik tusarniaanermut akissummi nangilluni ima allappoq:

*”Aningaasaqarnermut Naalakkersuisoqarfiup taamaasilluni oqaatigaa naatsorsuutigisariaqartoq maanna aningaasalersuisuusut aamma aningaasalersuisuusinnaasut taamatut pisinnaatitsissuteqarnera annertusisumik nalorninaatitut isigissagaat, taamaattumillu pissusissamisoortumik akilersinniassagaat, tamatumalu qanorluunniit ilioraluaanni KNI-ip avataaniit aningaasalersuisoqarnerata akisunerulerneranik kinguneqassasoq.”*

Aningaasaqarnermut Naalakkersuisoqarfiup tusarniaanermut akissutaanut akissutimik ilaatut Naalakkersuisut allapput:

*”KNI A/S-ip aningaasanik attartortarfiisa nalilersuineranni isumaqartoq tassaavoq Naalakkersuisut maannamutut ingerlatseqatigiiffimmik kisimiillutik piginnittutut*

*inissisimanerat, aammalu kiffartuussinissamut isumaqatigiissummi illuatungiuinerat. Siunnersuummi § 3-mi imm. 3-4-ap nutaap erseqqissarneqarpoq Naalakkersuisut pisinnaatinneqarnerat KNI-mi ingerlatseqatigiiffissuup aaqqissuussaannikkut ineriartortissinnaaneranut aammalu ilaasoq ingerlatseqatigiiffik avitsinikkut pilersinneqartoq, § 1-mi imm. 3-mi ingerlatseqatigiiffiit allequtaasut saniatigut. Aningaasalersuisartut KNI-mi ingerlatseqatigiiffiit akiliisinnaassusiisa nalilersorneqarneranni aningaasat nammineq pigisat ingerlatseqatigiiffillu avitsinerup kingorna ingerlatsisuusussat isaatitsineri aallaaviussapput. Taamaattumik siumoortumik eqqikkaasogareersinnaanngilaq avitsineq erniat qaffariarnerannik aningaasalersuinermilu aningaasartuutit qaffannerannik kinguneqassanersoq imaluunniit taamaassannginersoq. Uuliamik niuernermut tunngasumik ingerlatseqatigiiffik sinneqartoofiusartooq assersuutigalugu pitsaasumik akiliisinnaassuseqartutut nalilernerqassaaq, taamalu aningaasalersuinermut aningaasartuutikinnerussalluni. Taamaattumik Naalakkersuisut Aningaasaqarnermut Naalakkersuisoqarfiup isummersuutai isumaqatiginngilaat, avitsisinnaanermut pisinnaatitsissut nammineq nalorninartorsiortitsissutitut kinguneqarsinnaasoq, tamannalu KNI-ip aningaasalersorneqarneranut akitsorsaa-taassasoq.”*

Naalakkersuisut oqaaseqaataat ataatsimiititaliamit tusaatissatut tiguneqarput.

Aningaasaqarnermut Naalakkersuisoqarfik tusarniaanermut akissummi ima allappoq:

*”Aningaasaqarnermut Naalakkersuisoqarfik ataatsimut isigalugu nalilivoq ingerlatseqatigiiffissuup ingerlatseqatigiiffinnut immikkoortunut marlunnut avinneqarsinnaaneranut tunngasumik apeqqummi annertuumik apeqqutaasoq suut pingaarnerutinneqarnersut. Tamakkiisumik akimut ersittumik ingerlatsineq imaluunniit aaqqissuulluakkamik ingerlatsineq, annertuunik ingerlatsinikkut iluaqutissarsiasat aammalu ingerlatseqatigiiffiup maanna aningaasalersorneqarneranut atugassarititaasut atuuttut.”*

Aningaasaqarnermut Naalakkersuisoqarfiup tusarniaanermut akissutaanut akissutimik ilaatut Naalakkersuisut allapput:

*”Ingerlatseqatigiiffimmik avitsineq, tamakkiisumik ersarissuutitsinissaq ingerlatsinermik aallussinerulernermit, angisuunik ingerlatsinermi iluaqutissartaasut atorluarneqarnissaannit aamma ingerlatseqatigiiffiup atugassarititaasut allannguuteqartinnagit aningaasalersorneqarnerata ingerlaannarnissaanit pingaarnerutinneqassasoq pillugu apeqqutaasoq Naalakkersuisut isumaqatiginngilaat. Mianerisassat ataatsip pingaartinneqarnerani allat pingaartinneqarnissaat mattunneqanngilaq.”*

Naalakkersuisut oqaaseqaataat ataatsimiititaliamit tusaatissatut tiguneqarput.

Piviusunnngortitsisinnaaneq sioqqullugu avitsinissamik pilersaarutaajunnartut ataatsimiititaliamut ilisimatitsissutitut saqqummiuteqqullugit Naalakkersuisut ataatsimiititaliamit qinnuigineqarput.

##### 5. Siunnersuutip aningaasatigut kingunissai

Siunnersuutip piviusunnngortinneqarnerata aningaasaqarnikkut kingunerisassai siunnersuummut nalinginnaasumik nassuiaatini immikkoortoq 3 aamma 4-mi nassuiaatigineqarput. Taakku ataatsimiititaliamit tusaatissatut tiguneqarput.

##### 6. Ataatsimiititaliap inassuteqaatai

Tamanna tunngavigalugu Aningaasaqarnermut Akileraartarnermullu Ataatsimiititaliami amerlanerussuteqartut Siumup, Demokraatit Atassutillu ilaasortaataasa inassutigaat siunnersuut Inatsisartunit akuerineqassasoq.

Aningaasaqarnermut Akileraartarnermullu Ataatsimiititaliami ikinnerussuteqartut Inuit Ataqtigiit ilaasortaataasa ikinnerussuteqarluni oqaaseqaat imaattoq saqqummiuppaat:

Isumaqarpugut nunatta sineriaani nunaqarfippassuit illoqarfippassuillu pingaartumik inoqarfiit avinngarusimasut KNI aqputigalugu pilersorneqarnissaannik kiffartuunneqarnissaannillu qulakkeerisimaneq navianartorsiortinneqariaannaasoq. Tamannalu pissasoq KNI ulluinnarni aningaasarsiornikkut napatinneqarneranut ilapittuutaalluortoq Polar Oil A/S avissaartinneqassagaluarpat.

Ingerlatseqatigiiffiit pineqartut nunatsinni inoqarfinni inuit kiffartuunneqarnerannut akilersinnaassuseqartitsinermullu kivitseqatigiilluurtuupput. Kivitseqatigiinnerli piosoq ajorseriartinneqassaaq ingerlatseqatigiiffiit avinneqarpata, aamma "kiffartuusseqatigiikkunnaarpata". Inuit Ataqtigiit qulakkeersinnaasimangilarput KNI ilumut ullumikkut kiffartuussinini pilersuininilu attatiinnarsinnaasimassaneraa Polar Oil A/S toqqaanartumik suleqatigiunnaaruniuk, imaluunniit iluanaarutitigut avitseqatigisarunnaaruniuk.


Inuit kiffartuunneqarnerat illoqarfinni inuttunerusuni kisimi ingerlaleqqunagu, aamma isorliunerusut kiffartuunneqarsinnaajuarnissaat, minnerunngitsumillu nunaqarfinni kiffartuussinerup ajorsiertulinnnginnissaa qulakkeerniarlugu siunnersuut Inuit Ataqtigiinniit itigartipparput. Ingerlatseqatigiiffiit pineqartut sulisoqarnermikkut, pilersuinerikkut kiffartuussinermikkut aammalu ingerlatsinikkut siuarsaasinnaassuseqarnissaat allannguuteqartussa qulaajaaffigineqanngimmat.

Taamaattumik aalajangernissamut tunngavissat amigarluinnartut tunngavigalugit, aalajangiiffigisassarlu taamak annertutigisoq "nikussutiinnarlugu" aalajangersaaffigineqartariaqanngitsoq Inuit Ataqtigiit aalajangiusimavarput. Nunatsinni sapinngisamik inuit tamarmik pitsaernerpaamik kiffartuunneqarnissaat qulakkeerniagassaammat akerliulluta taasissaagut.



Tamanna tunngavigalugu Aningaasaqarnermut Akileraartarnermullu Ataatsimiititaliami ikinnerussutegartut Inuit Ataqtigiit ilaasortaataasa inassutigaat siunnersuut Inatsisartunit itigartinneqassasoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.



Jens Immanuel, Siulittaasoq




Aqqaluaq B. Egede




Suka K. Frederiksen



Steen Lynge



Tillie Martinussen



Peter Olsen



Sara Olsvig